

摘藻堂四庫全書薈要

集部

欽定四庫全書薈要

集部

山谷外集卷七

詳校官助教臣謝登雋



欽定四庫全書薈要卷一萬五千七十八

集部

山谷外集卷七

宋 黃庭堅 撰

律詩一百六十四首

叔父鈞亭

夜發分寧寄杜澗叟

元豐癸亥經行石潭寺見舊和栖蟾詩甚可笑

因削枌滅藻別和一章

題馬當山魯望亭四首

次韻胡彥明同年羈旅京師寄李飛三章

上蕭家峽

何蕭二族

魏夫人壇

隱梅福處

蕭子雲宅

避秦十人

黃雀

到官歸志浩然二絕句

出迎使客質明放船自瓦窰歸

送酒與畢大夫

次韻奉寄子由

原韻二首附

再次韻奉荅子由

再次韻寄子由

次韻寄上七兄

吉老受秋租輒成長句

再次韻和吉老

招吉老子範觀梅花

寄黃從善

登快閣

題息軒

從時中乞蒲團

答余洪範二首

題安福李令朝華亭

寄舒申之戶曹

次韻吉老十小詩

歐陽從道許寄金橘以詩督之

黃幾復自海上寄惠金液三十兩

和七兄山蘋湯

奕棊二首呈任公漸

次韻幾復荅予所贈三物三首

靜居寺上方南入一徑有釣臺氣象甚古

侯尉之吉水覆按未歸三日泥雨戲成寄之

侯尉家聽琵琶

次韻吉老寄君庸

寄袁守廖獻卿

廖袁州次韻見荅并寄黃靖國再生傳次韻寄之

袁州劉司法亦和予摩字詩因次韻寄之

次韻奉荅吉老并寄何君庸

聞吉老縣丞按田在萬安山中

次韻喜陳吉老還家二絕

再次韻和荅吉老二首

雙澗寺二首

酴醾

奉荅李和甫代簡二絕句

次韻奉荅袁州懷舊隱之詩

觀王主簿家酴醾

社日奉寄君庸主簿

北窻

洪範以不合俗人題廳壁二絕句次韻和之  
次韻荅杜仲觀二絕 再次韻杜仲觀二絕  
次韻元翁從王夔玉借書

奉和孫承議謝送菜絕句

學元翁作女兒浦口詩

去歲和元翁重到雙澗寺

次韻知命入青原山口



次韻吉老知命同游青原二首

次韻十九叔父臺源

次韻曾都曹喜雨

和李才甫先輩快閣五首

幾道復覓檳榔

發贛上寄余洪範

同韻和元明兄知命弟九日相憶二首

題吉州承天院清涼軒

題槐安閣

太和奉呈吉老縣丞

立春

子範徼巡諸鄉捕逐羣盜幾盡輒作長句勞苦

行李

喜太守畢朝散致政

戲贈南安倅柳朝散

睡起

次韻君庸寓慈雲寺待韶惠錢不至

次韻奉荅存道主簿

題神移仁壽塔

題海首座壁

題仁上座畫松

次韻漢公招七兄

送高士敦赴成都鈐轄二首

次韻子瞻元夕扈從端門三首

次韻子瞻送穆父二絕

和子瞻內翰題公擇舅中丞山房

以潞公所惠揀芽送公擇次舊韻

承吏部蘇尚書右選胡侍郎皆和鄙句次韻道

謝

奉同公擇作揀芽詠

今歲官茶極妙而難為賞音者戲作兩詩用前

韻

公擇用前韻嘲戲雙井

又戲為雙井解嘲

奉同六舅尚書詠茶碾煎烹三首

王立之以小詩送並蒂牡丹戲荅

題子瞻書詩後

戲贈高述

與李公擇道中見兩客布衣班荆而坐對戲奕

秋因作一絕

題歸去來圖二首

題陽關圖二首

次韻荅少韋聞鴈聽雞二首

題王居士所藏王友畫桃花二首

戲荅仇夢得承制二首 題哥羅驛竹枝詞

題李十八知常軒 次韻奉荅吉鄰機宜

送曹黔南口號

題劉氏所藏展子虔感應觀音二首

以虎臂杖送李任道二首

謝周文之送猫兒 戲呈田子平

太平州作二首

長沙留別

贈花光老

題花光老為曾公卷作水邊梅

清明

叔父釣亭

檻外溪風拂面涼  
四圍春草自鉏荒  
陸沉霜髮為鉤直  
柳貫錦鱗緣餌香  
影落華亭千尺月  
夢通岐下六州王  
麒麟臥笑功名骨  
不道山林日月長

夜發分寧寄杜澗叟

陽關一曲水東流  
燈火旌陽一釣舟  
我自只如常日醉  
滿川風月替人愁

元豐癸亥經行石潭寺見舊和栖蟾詩甚可笑因  
削牘滅藁別和一章

千里追奔兩蝸角  
百年得意大槐宮  
空餘祇夜數行墨  
不見伽黎一臂風  
俗眼只如當日白  
我顏非復向來紅  
浮生不作游絲上  
即在塵沙逐轉蓬

題馬當山魯望亭四首

彭澤舊治所

馬當一曲孤煙人物于今眇然不見繞籬黃菊誰收種

秫圭田

一作有地自荒穡  
稻無人更與酒錢

鯨波橫流砥柱虎口活國宗臣小屈一作少日弦歌百里不

誣

一作莫言

天下歸仁

不見魯公斷石誰家為礎為杠筆法錐沙屋漏心期曉

日秋霜

笠澤道人高古文章白髮蕭條

一作文章  
歲寒後凋

欲問勒銘遺



墨應書水府鮫綃

次韻胡彥明同年羈旅京師寄李子飛三章一章  
道其困窮二章勸之歸三章言我亦欲歸耳胡  
李相甥也故有檳榔之句

看除日月坐中銓一歲應無官九遷蔥韭盈盤市門食  
詩書滿枕客床氈留連節物孤朋酒惱亂隣翁謁子錢  
誰料丹徒布衣侶困窮且忍試新年

丁未同升鄉里賢別離寒暑未推遷蕭條羈旅深窮巷

蚤晚聲名上細氈碧嶂清江元有宅白魚黃雀不論錢  
檳榔一斛何須得李氏弟兄佳少年

畏人重祿難堪忍閱世浮雲易變遷徐步當車飢當肉  
鋤頭為枕草為氈元無馬上封侯骨安用人間使鬼錢  
不是朱門爭底事清溪白石可忘年

上蕭家峽

玉笥峯前幾百家山明松雪水明沙趁虛人集春蔬好

桑菌竹萌煙蕨芽

晚年本云趁虛人在烟  
中語荷蓀歸來有蕨芽

何蕭二族

西漢功名相國多南朝人物數諸何向來富貴喧天地  
亦有文章在澗阿

魏夫人壇

獨掃蛾眉作遠山春風瑤草照朱顏我來欲問許玉斧  
二十四峯如髻鬟

隱梅福處

吳門不作南昌尉上疏歸來朝市空笑拂巖花問塵世



故人子是國師公

蕭子雲宅

郁木坑頭春鳥呼  
雲迷帝子在時居  
風流掃地無尋處  
只有寒藤學草書

避秦十人

九真承詔上龍胡  
盡是驪山所送徒  
唯有鄧公留不去  
松根楮鼎煮菖蒲

黃雀

牛大垂天且割烹細微黃雀莫貪生頭顱雖復行萬里  
猶和鹽梅傳說羹

到官歸志浩然二絕句

雨洗風吹桃李淨訟聲聒盡鳥驚春滿船明月從此去  
本是江湖寂寞人

鳥鳴未覺常先曉笋蕨登盤始見春歛手還他能者作  
從來刀筆不如人

出迎使客質明放船自瓦窑歸

鼓吹喧江雨不開丹楓落葉放船回風行水上如雲過  
地近嶺南無鴈來樓閣人家捲簾幕菰蒲鷗鳥樂灣洄  
惜無陶謝揮斤手詩句縱橫付酒杯

送酒與畢大夫

淺色官醅昨夜簫一樽聊付卯時投甕邊吏部應歡喜  
殊勝平原老督郵

奉寄子由

大臨

鐘鼎功名淹筦庫朝廷翰墨寫風煙遙知道院頗岑寂

定是壺中第幾天  
歷下笑談漫一夢  
江南消息又餘年  
動心忍性非無意  
吏部如今信大顛

奉荅元明

輟

故人聚散霜前葉  
往事渺茫風際煙  
游宦一生非有已  
隱居萬事不由天  
崎嶇檻穽方謀食  
笑傲山林肯計年  
賴已將心問盧老  
相逢他日笑風顛

次韻奉寄子由

半世交親隨逝水  
幾人圖畫入凌煙  
春風春雨花經眼

江北江南水拍天欲解銅章行問道定知石友許忘年  
春令各有思歸恨日月相催雪滿顛

再次韻奉荅子由

蠆尾銀鉤寫珠玉剡藤蜀繭照松煙似逢海若談秋水  
始覺醯雞守甕天何日清揚能覲面只今黃落又凋年  
萬錢買酒從公醉一鉢行歌聽我顛

再次韻寄子由

想見蘇耽携手仙青山桑柘冒寒烟麒麟墮地思千里



虎豹憎人上九天風雨極知難自曉雪霜寧與菌爭年  
何時確論傾樽酒醫得儒生自聖顛

出素問

### 次韻寄上七兄

學得屠龍長縮手鍊成五色化蒼煙誰言游刃有餘地  
自信無功可補天啼鳥笑歌追暇日飽牛耕鑿望豐年  
荷鋤端欲相隨去邂逅青雲恐疾顛

### 吉老受秋租輒成長句

黃花事了綠叢霜蟋蟀催寒夜夜床愛日捋收如盜至

失時鞭朴奈民瘡田夫田婦肩賴檐江北江南稼滌場  
少忍飛糠眯君眼要令私廩上公倉

再次韻和吉老

今日僕姑晴自語愁陰前日雪鋪床三冬一雨禾頭濕  
百斛幾痕牛領瘡民欲與翁歸作臘公方無事可開場  
相勤凍坐真成惡愧我偷閒飽太倉

招吉老子範觀梅花

播糠眯眼丞良苦鳴鼓連村尉始歸及取江梅來一醉

明朝花作玉塵飛

寄黃從善

故人千里隔談經  
想見牛刀刃發硎  
渴雨芭蕉心不展  
未春楊柳眼先青  
鳬飛葉縣郎官宰  
虹貫江南處士星  
天子文思求逆耳  
吾宗一為試雷霆

登快閣

癡兒了却公家事  
快閣東西倚晚晴  
落木千山天遠大  
澄江一道月分明  
朱絃已為佳人絕  
青眼聊因美酒橫

萬里歸船弄長笛此心吾與白鷗盟

題息軒

僧開小檻籠沙界鬱鬱參天翠竹叢萬籟參差寫明月  
一家寥落共清風蒲團禪板無人付茶鼎薰爐與客同  
萬水千山尋祖意歸來笑殺舊時翁

從時中乞蒲團

撲屋陰風雪作團織蒲投我最宜寒君當自致青雲上  
快取金絨覆馬鞍

荅余洪範二首

道在東西祖詩如大小山一家同雪月萬事廢機關天  
上麒麟閣山中虎豹閑何時得丘壑明鏡失朱顏

懸磬齋厨數米炊貧中氣味更相思可無昨日黃花酒  
又是春風柳絮時

題安福李令朝華亭

丹楹刻桷上崢嶸表裏江山路

一作略

眼平曉日成霞張

錦綺青林多露綴珠纓人如旋磨觀羣蟻田似圍碁據

一枰對案昏昏迷簿領暫來登覽見高明

寄舒申之戶曹

吉州司戶官雖小曾屈詩人杜審言  
今日宣城讀書客還趨手板傍轅門  
江山依舊歲時改桃李欲開煙雨昏  
公退但呼紅袖飲剩傳歌曲教新翻

次韻吉老十小詩

十襲發硃刀無名自貴高秋衣猶葛製  
午飯厭溪毛萬木霜搖落山呈斧鑿痕  
癡蠅思附尾驚鶴畏乘軒

日短循除廡溪寒出白科宮居圖書裏小鴨睡枯荷

眼看人換世手種木成陰藏拙無三窟談禪劇七禽

寒水幾痕落秋山萬竅號紅梨啄烏鵲殘菊掛蠨蛸

佳人斗南北美酒玉東西夢鹿分真鹿無雞應木雞

斲鼻昔常爾絕絃知者稀無人與爭長惟有釣魚磯

茵席絮剪璽枕囊收決明南風入晝夢起坐是松聲

半菽一瓢飲懸鶉百結衣蕭條鬼不瞰聊可與同歸

學似斲輪扁詩如飯顆山室中餘一劍無氣斗牛間

歐陽從道許寄金橘以詩督之

從道叅禪嘗有言句來頗聞數從歌

舞飲故  
及之

禪客入秋無氣息想依紅袖醉毵毵霜枝搖落黃金彈  
許送筠籠殊未來

黃幾復自海上寄惠金液三十兩且曰惟有德之  
士宜享將以排蕩陰邪守衛真火幸不以凡物  
畜之戲荅

皺面黃湏已一翁樽前猶發少年紅金丹乞與煩真友



只恐無名常籍中

和七兄山預湯

厨人清曉獻瓊糜正是相如酒渴時能解饑寒勝湯餅  
畧無風味笑蹲鴟打窻急雨知然鼎亂眼睛雲看上匙  
已覺塵生雙井椀濁醪從此不須持

奕碁二首呈任公漸

偶無公事負朝暄三百枯碁共一罇坐隱不知巖穴樂  
手談勝與俗人言簿書堆積塵生案車馬淹留客在門

戰勝將驕疑必敗果然終取敵兵翻

偶無公事客休時席上談兵校

角一作

兩棊心似蛛絲遊

碧落身如蜩甲化枯枝湘東一目誠甘死天下中分尚可持誰為吾徒猶愛日參橫月落不曾知

次韻幾復荅予所贈三物三首

誰憐湖海士白髮夜窻繁風雨雞不已詩書眼尚明禪  
枝安宿鳥僧粥吼華鯨但滿五車讀行看一座傾

右石燈繁

絕域薔薇露他山  
菡萏鑪薰衣作家  
想伏枕夢閨姝遊  
子宮蟻穴謫仙居  
瓠壺當時有憂樂  
回首亦成無

右石博山

九原誰復起糟魄  
未傳心不取丁儀  
米疑成校尉金名  
從高位借德有下  
僚沉筆削多瑕點  
猶希畏友箴

一本云筆

從高位曲陸有德人沉救俗規如此慵疎廢古今

右石刻

靜居寺上方南入一徑有釣臺氣象甚古而俗傳

謬妄意嘗有隱君子漁釣其上感之作詩

避世一丘壑似漁非世漁獨吟嘉橘頌不遺子公書  
箏巖園林晚絲絳歲月除安知冶容子紅袖泣前魚  
侯尉之吉水覆按未歸三日泥雨戲成寄之

歎息侯羸老尉曹鞍馬疲山花迷部曲江雨壓旌旗越  
鳥勸沽酒竹鷄憂蹋泥不知何處醉遥寄解醒詩

侯尉家聽琵琶

舫齋蒼竹雨聲中一曲琵琶酒一鍾恰似潯陽江上聽

只無明月與丹楓

次韻吉老寄君庸

何郎生事四立壁心地高明百不憂  
白眼醉來思阮籍  
碧雲吟罷對湯休  
諸公著力書交上  
尺壁深藏價未酬  
空使君如巢幕燕  
將鷁處處度春秋

寄袁守廖獻卿

公移猥甚叢生笋  
訟牒紛如蜜分窠  
少得曲肱成夢蝶  
不堪衙吏報鳴鼉  
已荒里社田園了  
可奈春風桃李何

想見宜春賢太守無書來問病維摩

廖袁州次韻見荅并寄黃靖國再生傳次韻寄之

春去懷賢感物多飛花高下冑絲窠傳聞治境無戾虎

更道豐年鳴白黿史筆縱橫窺寶鉉

干寶作搜神記徐鉉作稽神錄當時

謂寶鬼之董狐

詩才清壯近陰何寄聲千萬相勞苦如倚胡床

得按摩

袁州劉司法亦和予摩字詩因次韻寄之

袁州司法多兼局日莫歸來印幾窠詩罷春風榮草木

書成快劍斬蛟鼉遙知吏隱清如此應問卿曹果是何  
頗憶病餘居士否在家無意食蘿摩

次韻奉荅吉老并寄何君庸

傾懷相見開城府取意閒談沒白窠但取吏曹無狡兔  
任呼舞女代靈鼉屢中甕面酒幾聖苦憶樽前人姓何  
願得兩公俱助我不唯朱墨要漸摩

聞吉老縣丞按田在萬安山中

苦雨初聞喚婦鳩紅粧滿院木葉秋樽前不記崔思立

應在諸山最上頭

次韻喜陳吉老還家二絕

公庭無事吏人休  
垂箔寒廳對奕秋  
催織青籠篳白酒  
竹爐煨栗煮雞頭

夜寒客枕多歸夢  
歸得黃柑紫蔗秋  
小雨對談揮麈尾  
青燈分坐寫蠅頭

再次韻和荅吉老二首

水宿風飡甚勞苦  
勉旃吾子富春秋  
我愧疲民欲歸去



麥田春雨把鋤頭

賢勞王事一歸休  
霜落園林失九秋  
想得君家烏鵲喜  
蛛絲縈繞玉搔頭

雙澗寺二首

二水泚泚鳴屋除  
松林落日吼於菟  
老僧更有百歲母  
白髮身為反哺烏

山陬江深屋翠崖  
夜鐘聲自甕中來  
長松偃蹇蒼龍卧  
六月澗泉轟怒雷

酴醾

漢宮嬌額半塗黃  
入骨濃薰賈女香  
日色漸遲風力細  
倚欄偷舞白霓裳

奉荅李和甫代簡二絕句

山色江聲相與清  
卷簾待得月華生  
可憐一曲並船笛  
說盡故人離別情

夢中往事隨心見  
醉裏繁華亂眼生  
長為風流惱人病  
不如天性總無情

次韻奉荅廖袁州懷舊隱之詩

詩題怨鶴與驚猿一幅溪藤照麝煙聞道省郎方結綬  
可容名士乞歸田嚴安召見天嗟晚賈誼歸來席更前  
何況班家有超固應封定遠勒燕然

觀王主簿家醖醪

肌膚冰雪薰沉水百草千花莫比芳露濕何郎試湯餅  
日烘荀令炷爐香風流徹骨成春酒夢寐宜人入枕囊  
輸與能詩王主簿瑤臺影裏據胡床

社日奉寄君庸主簿

花發社公雨陰寒殊未開初聞燕子語似報玉人來遮  
眼便書冊挑聲欺酒盃傳聲習主簿勤為撥春醅

北窻

生物趨功日夜流園林才夏麥先秋綠陰黃鳥北窻簾  
付與來禽安石榴

洪範以不合俗人題廳壁二絕句次韻和之

寂寥吾道付萬世忍向時人覓賞音搔首金城西萬里

樽前從此歎人琴

德占最  
知洪範

埋沒高才築釣間  
風雲未會要鯢桓  
南康郡下參軍耳  
付與紅塵白眼看

次韻荅杜仲觀二絕

鳥啼花動却春寒  
雨壓青旗卷畫干  
多事今年廢詩酒  
煩君傳語問平安

重簾複幕和風雨  
無奈催沽鳥喚人  
只是樽前欠狂客  
舞娃冰雪酒磷磷



再次韻杜仲觀二絕

短舞朱裙愜醉看，惜公官守隔江干。  
遙憐得句無人賞，走馬城東覓道安。

詩家二杜見仍雲，佳句風流照映人。  
青眼向來同醉醒，白頭相望不緇磷。

次韻元翁從王夔玉借書

為吏三年弄文墨，草萊心徑失耕鋤。  
常思天下無雙祖，得讀人間未見書。  
公子藏山真富有，小儒捫腹正空虛。

何時管鑰入吾手為理籤題撲蠹魚

奉和孫承議謝送菜絕句

春蔬照映庾郎賓遣騎持籠佐茹葷却得齋厨厭滋味  
白鵝存掌鼈留裙

學元翁作女兒浦口詩

五老峯前萬頃江女兒浦口鴛鴦雙驚飛何處沙上宿  
夜雨釣船燈照窻

去歲和元翁重到雙澗寺觀余兄弟題詩之篇總

忘收錄病中記憶成此詩

素琴聲在時能聽  
白鳥盟寒久未尋  
眼見野僧垂雪髮  
養親元不顧朱金  
開泉浸稻雙澗水  
煨笋充盤春竹林  
安得一厘吾欲老  
君聽莊舄病詩吟

次韻知命入青原山口

坑路羊腸繞稻田  
碁局方林間塔餘  
寸風外竹斜行吠  
客犬反走驚人鳥  
坵忙山形與祖印  
岑絕兩相當

次韻吉老知命同遊青原二首



洗鉢尋思去論詩  
匡鼎來鷗窺錫處  
井魚泳釣時  
臺垂足收親子存身  
亘劫灰僧離手金鑰  
一為道人開至人來  
有會吾道本無家  
閱世魚行水遺書  
烏印沙齋盂香佛飯  
法席雨天花時有清  
談勝還同歎永嘉

次韻十九叔父臺源

聞道臺源境  
鉏荒三徑通  
人曾夢蟻穴  
鶴亦怕雞籠  
萬壑秋聲別  
千江月體同  
湏知有一路  
不在白雲中

次韻曾都曹喜雨



水旱國代有人神理本通徧  
霄祠小大敢指蜺雌雄地  
厭焚悵極天回顧盼中蛟  
龍起乖卧星斗晦澄空雲  
挾雷聲走江翻電脚紅寵  
光歸稼穡滴瀝在梧桐詖  
訟猶相及時霖恐未豐潔  
齋斬得歲同病託諸公

和李才甫先輩快閣五首

山寒江冷丹楓落爭渡行人  
簇晚沙荻葉蘋花飛白鳥  
一張紅錦夕陽斜

赤欄終日倚西風山色接  
藍小雨中將老鬢毛秋著木

相思親舊水連空

長江淡淡吞天去  
甲子隨波日日流  
萬事轉頭同墮甌  
一身隨世作虛舟

雲橫章貢雨翻盆  
寺下江深水到門  
落日荷鋤人著木  
西風滿地葉歸根

西南嘉氣浮馬祖  
東北祥風繞靜居  
山邑豐年人少訟  
身來訪道得齋魚

幾道復覓檳榔

蠻煙雨裏紅千樹逐水排痰肘後方莫笑忍饑窮縣令  
煩君一斛寄檳榔

發贛上寄余洪範

二川來集南康郡氣味相似相和流水落山明數歸鴈  
鬱孤欄楯繞深秋胸中淳于吞一石塵下庖丁解十牛  
他日欲言人不解西風散髮棹扁舟

同韻和元明兄知命弟九日相憶二首

革囊南渡傳詩句摹寫相思意象真九日黃花傾壽酒

幾回青眼望歸塵  
蚤為學問文章誤  
晚作東西南北人  
安得田園可溫飽  
長拋簪紱裹頭巾

萬水千山厭問津  
芭蕉林裏自觀身  
鄰田雞黍留熊也  
風雨關河走阿秦  
鴻鴈池邊照雙影  
脊令原上憶三人  
年年獻壽須歡喜  
白髮黃花映角巾

題吉州承天院清涼軒

菩薩清涼月遊於畢竟空  
我觀諸境盡心與古人同  
僧髮侵眉白桃花映竹紅  
儻來尋祖意展手似家風

題槐安閣

并序

東禪僧進文結小閣於寢室東養生之具取諸左右而足彼雖聞中天之臺百常之觀蓋無慕嫪之心予為題曰槐安閣而賦詩夫據功名之會以嫖嫖一世其與蟻丘亦有辨乎雖然陋蟻丘而仰泰山之崇崛猶未離乎俗觀也

曲閣深房古屋頭病僧枯几過春秋垣衣蛛網蒙窻牖萬象縱橫不繫留白蟻戰酣千里血黃梁炊熟百年休

功成事遂人間世欲夢槐安向此遊

太和奉呈吉老縣丞

山擁鳩民縣江橫決事廳士風尊健訟吏道要繁刑觥  
觥今無種蒲盧教未形里多齊暱氏材謝宋庖丁令尹

三年課斯人萬物靈吾方師豈弟僚友助丹青

暱氏漢書音閏

而今濟南舊家有此姓音諫也

立春

韭苗香煮餅野老亦知春看鏡道如咫倚樓梅照人

子範徼巡諸鄉捕逐羣盜幾盡輒作長句勞苦行

李

白髮尉曹能挽弓著鞭跨馬欲生風乃兄本是文章伯  
此老真成矍鑠翁抱鼓諸村宵警報牛羊幾處莫牢空  
得公萬戶開門卧看取三年最治功

喜太守畢朝散致政

膏火煎熬無妄災就陰息迹信明哉功名富貴兩蝸角  
險阻艱難一酒杯百體觀來身是幻萬夫爭處首先回



胸中元有不病者記得陶潛歸去來

戲贈南安倅柳朝散

柳侯風味晚相見衣袂頗薰荀令香桃李能言妙歌舞  
樽前一曲斷人腸洞庭歸客有佳句庾嶺梅花如小棠  
乘興高帆少相待淮湖江月要傳觴

睡起

柿葉鋪庭紅顆秋薰爐沉水度衣篝松風夢與故人遇  
同駕飛鴻跨九州

次韻君庸寓慈雲寺待韶惠錢不至

主簿看梅落雪中  
閨人應賦首飛蓬  
問安兒女音書少  
破笑壺觴夢寐同  
馬祖峯前青未了  
鬱孤臺下水如空  
江山信美思歸去  
聽我勞歌亦欲東

次韻奉荅存道主簿

主簿朝衣如敗荷  
高懷千尺上松蘿  
旅人爭席方歸去  
秋水黏天不自多  
學到會時忘粲可  
詩留別後見羊何  
向來四海習鑿齒  
今日期君不啻過

題神移仁壽塔

十二觀音無正面誰令塔戶向東開  
定知四梵神通力曾借六丁風  
雨帷蠅說冰霜如夢寐鷄聞鐘鼓亦驚猜  
從今不信維摩詰斷取三千世界來

題海首座壁

騎虎度諸嶺入鷗同一波  
香寒明鼻觀日永稱頭陀

題仁上座畫松

偃蹇松枝隔煙雨知儂定是歲寒材  
百年根節要老硬

將恐崩崖倒石來

次韻漢公招七兄

白髮霏霏雪點斑朱櫻忽忽鳥銜殘公庭休吏進湯餅  
語燕無人窺井欄詩句多傳知有暇道人相見不應難

老郎親屈延處士風味依稀如姓桓

桓冲禮處士劉  
璘之鄭聚甚厚

送高士敦赴成都鈐轄二首

玉鈐金印臨參井控蜀通秦四十州日下書來望鴻鴈  
江頭花發醉貔貅巴滇有馬駒空老林箐無人葉自秋

能為將軍歌此曲鳴機割錦與纏頭

捧日高宣事東京四姓侯軍中聞俎豆廟勝脫兜鍪  
燒燭海棠夜香衣藥市秋君平識行李河漢接天流

次韻子瞻元夕扈從端門三首

赭黃繖底望龍章不斷唯聞寶炬香一片韶音歸複道  
重瞳左右列英皇

端門魏闕鬱崢嶸燈火如山輦路平不待上林鶯百轉  
教坊先已進春聲

仗下蕃夷各一羣機泉如雨自繽紛  
諦觀香案傍邊更却是茅山大小君

次韻子瞻送穆父二絕

渺然今日望人材每見紫芝眉宇開  
又觸惠文江海去快帆誰與挽令回

謫官猶得住蓬萊抱牘人稀書卷開  
張敞恤眉應急召董宣強項莫低回

和子瞻內翰題公擇舅中丞山房

幽人八座復中臺想見書堂山杏開四十餘年曾屈指  
時因秋鴈寄聲來

以潞公所惠揀芽送公擇次舊韻

慶雲十六升龍樣國老元年密賜來披拂龍紋射牛斗  
外家英鑒似張雷

承吏部蘇尚書右選胡侍郎皆和鄙句次韻道謝  
不待烹茶喚睡回天官兩宰和詩來清如接筧通春溜  
快似揮刀斫怒雷

奉同公擇作揀芽詠

赤囊歲上雙龍壁

囊貢小團亦單疊  
唯揀芽則雙疊

曾見前朝盛事來

想得天香隨御所  
延春閣道轉輕雷

元豐未作  
延春閣

今歲官茶極妙而難為賞音者戲作兩詩用前韻

鷄蘇狗蚤難同味  
懷取君恩歸去來  
青箬湖邊尋顧陸

白蓮社裏覓宗雷

乳花翻碗正眉開  
時若渴羌衝熱來  
知味者誰心已許

維摩雖默語如雷



公擇用前韻嘲戲雙井

萬仞峰前雙井塢婆娑曾占早春來如今摸索蒼龍壁  
沉井銅餅漫學雷

又戲為雙井解嘲

山芽落磴風回雪曾為尚書破睡來勿以姬姜棄顛顛  
逢時瓦釜亦鳴雷

奉同六舅尚書詠茶碾煎烹三首

要及新香碾一盃不應傳寶到雲來碎身粉骨方餘味

莫厭聲喧萬壑雷

風爐小鼎不須催  
魚眼長隨蟹眼來  
深注寒泉收第一  
亦防枵腹爆乾雷

乳粥瓊糜霧脚回  
色香味觸映根來  
睡魔有耳不及掩  
直拂繩床過疾雷

王立之以小詩送並蒂牡丹戲荅

分送香紅惜折殘  
春陰醉起薄羅寒  
不如王謝堂前燕  
曾見新粧並倚欄

露晞風晚別春叢拂掠殘粧可意紅  
多病廢詩仍止酒  
可憐雖在與誰同

題子瞻書詩後

六言

詩就金聲玉振書成蠆尾銀鈎已作青雲直上何時散  
髮滄洲

戲贈高述

六言

江湖心計不淺翰墨風流有餘相期乃千載事要須讀  
五車書

與李公擇道中見兩客布衣班荆而坐對戲奕秋  
因作一絕

兩客班荆覆局圖看人車馬溷泥塗文昌八座鄰樞極  
天上歸來愧不如

題歸去來圖二首

日日言歸真得歸迎門兒女笑牽衣宅邊猶有舊時柳  
漫向世人言昨非

人間處處猶崔子豈忍更令三徑荒誰與老翁同避世

桃花源裏捕魚郎

題陽關圖二首

斷腸聲裏無形影  
畫出無聲亦斷腸  
想得陽關更西路  
北風低草見牛羊

人事好乖當語離  
龍眠見出斷腸詩  
渭城柳色關何事  
自是離人作許悲

次韻荅少章聞鴈聽鷄二首

平生絕少分甘處  
身要從師萬事忘  
霜鴈叫羣傾半枕

夢回兄弟綵衣行

朝士聞鷄常半途朱門擁被不關渠秦郎五起聽三唱  
殘燭貪傳未見書

題王居士所藏王友畫桃花杏花二首

凌雲一笑見桃花三十年來始到家從此春風春雨後  
亂隨流水到天涯

凌雲見桃萬事無我見杏花心亦如從此華山圖籍上  
更添潘閭倒騎驢

戲荅仇夢得承制二首

結髮從征聽鼓鼙未曾一展胸中奇  
彎弓如月落霜鴈誰道將軍能賦詩

橫槊不為萬騎先傳盃把筆過年年  
懷中黃石閑三略道上青旗漫百篇

題哥羅驛竹枝詞

尺五攀天天慘顏鹽煙溪瘴鎖諸蠻  
平生夢亦未嘗處聞有鷓飛不到山  
風黑馬跪驢瘦嶺日黃人度鬼門關

黔南去此無多遠想在夕陽猿嘯間

題李十八知常軒

身心如一是知常事不驚人味久長蓋世功名棊一局  
藏山文字紙千張無心海燕窺金屋有意紅鷗傍草堂  
驚破南柯少時夢新晴鼓角報斜陽

次韻奉荅吉鄰機宜

黠虜乘秋屢合圍上書公獨請偏師庭中子弟芝蘭秀  
塞上威名草木知千里折衝深寄此三衙虛席看除誰



與公相見清班在仁祖重來築舊基

送曹黔南口號

摩圍山色醉今朝試問歸程指斗杓荔子陰成棠棣愛  
竹枝歌是去思謠陽關一曲悲紅袖巫峽千波怨畫橈  
歸去天心承雨露雙魚來報舊賓僚

題劉氏所藏展子虔感應觀音二首

人間猶有展生筆佛事蒼茫煙景寒常恐花飛胡蝶散  
明窻一日百回看

羣盜挽弓江簸船丹青當在普通前誰能與作赤挽板  
老筆猶堪壽百年

以虎臂杖送李任道二首

走送書堂倚絳紗瘦藤七尺走驚蛇晴沙每要交頭拄  
尋遍漁翁野老家

未衰筋力先扶杖能救衰年十二三八百老彭嗟杖晚  
可憐矍鑠馬征南

謝周文之送貓兒

養得狸奴立戰功將軍細柳有家風  
一簞未厭魚餐薄四壁當令鼠穴空

戲呈田子平

茸割即非茸割肥羊自是肥羊老夫纔堪一筋諸生贊  
詠甘香却歎佳人纖手晚來應廢紅粧荊州衣冠千戶  
厚意獨有田郎

太平州作二首

歐靚腰支柳一渦小梅催拍大梅歌舞餘片片梨花雨

柰此當塗風月何

千古人心指下傳  
楊姝煙月過年年  
不知心向誰邊切  
彈盡松風欲斷絃

長沙留別

折脚鐺中同淡粥  
曲腰桑下把離盃  
知君不是南遷客  
魑魅無情須早回

贈花光老

浙江衲子靜無塵  
箇箇莊嚴服飾新  
何似乾明能效古

渠知北斗裏藏身

題花光為曾公卷作水邊梅

梅蘂觸人意  
冒寒開雪花  
遙憐水風晚  
片片點汀沙

清明

佳節清明桃李笑  
野田荒壠自生愁  
雷驚天地龍蛇蟄  
雨足郊原草木柔  
人乞祭餘驕妾婦  
士甘焚死不公侯  
賢愚千載知誰是  
滿眼蓬蒿共一丘

山谷外集卷七


謹案第八頁前七行誰料丹徒布衣侶刊本侶訛  
得據宋詩鈔改

第十六頁後三行身如蜩甲化枯枝刊本蜩訛凋  
據宋詩鈔改

第三十七頁前二行四壁當令鼠穴空刊本鼠訛  
兒今改







總校官庶吉士臣張能照

校對官中書臣王家賓

謄錄監生臣姚元開

欽定四庫全書薈要

集部

山谷外集卷八

九

詳校官助教臣謝登雋



欽定四庫全書薈要卷一萬五千一百七十九

集部

山谷外集卷八

宋 黃庭堅 撰

哀詞一首

張翔父哀詞

墓誌銘二十二首

宛丘懷居士墓表

陳君碣

黃庭僉墓誌銘

胡府君墓誌銘

李正夫墓銘

賀州太守歐陽君墓誌銘

王長者墓誌銘

黃氏二室墓誌銘

董夫人墓誌銘

王氏墓誌銘

單卿夫人張氏墓誌銘

趙夫人墓誌銘

章夫人墓誌銘

酈氏墓誌銘

陳夫人墓誌銘

叔母章夫人墓誌銘

永安縣君金氏墓誌銘

辛夫人墓誌銘

狄元規夫人墓誌銘

任夫人墓誌銘

湖州烏程縣主簿胥君夫人謝氏墓誌銘

王氏墓誌銘

哀詞一首

張翔父哀詞

張庖民翔父往在皖溪口開泉長安嶺下元豐庚申十月  
余舟次泉下醵泉淪茗嘉若人之同臭味蓋已夙期與之  
友於是槃礴泉上斲土出石罍顛如龜伏而吐泉乃名曰  
靈龜泉勒銘泉石屬裴士章憲之時梅百本斬惡木而後

行壬戌六月翔父之息耕護翔父之喪過泉下翔父才德  
初不在人後俯仰庸人不甚出奇見異其於林泉心安性  
服之也作詩清壯能為不經人道語迤回歲晚拚棺曹溪  
為作哀詞遺耕且誨翔父之甥胡僧孺唐臣鏡之靈龜泉  
上以圖不朽我觀翔父兮白壁黃金藝蘭九畹兮寂寞中  
林號鍾清角兮蛛以為室子野骨朽兮誰明此心驥思天  
衢兮款段參駕西子掃除兮嫫母薦衾萬世一軌兮螻蟻  
同域志則日月兮與天照臨走官窮海兮齎恨下泉歸丹

載旌兮行路沾襟靈龜伏坎兮古木風雨歎崖銘詩兮金玉同音九原松聲兮吾得詩友遺藁怨絕兮絡緯霜砧寫哀寒水兮琢詞堅石君有嘉息兮安知來者之不如今

墓誌銘二十二首

宛丘懷居士墓表

聖人不作道不明於天下晚出之儒玩禮義之名而陋於知人心失學問之意而士必以讀書為選以予考於書猶及見古君子之論人雖瞽師卜祝下至百工之賤

因其方術心通性達總其要歸有合於道德之序者皆以義取之而不廢也士固有不幸而出於取人無定論之時挾魁磊非常之器而納於流俗之繩墨不資經義文章終無以自昭於世者若宛丘懷居士為近之居士少喜醫方自神農草木書黃帝內外經扁鵲倉公之傳無所不觀遂以其方名為鑒博士為人治劑數有功由此知名居數年厭之以其方授子孫并致家政築室其旁遠事獨居率月再畢祀事子孫既自力不敢溷事迺



聚浮屠書闔門而讀之寤不用師渙若冰釋雖不多為  
人道之而性行純熟應對機警稍稍為人所傳江湖淮  
浙之濱浮屠氏之達者無不來款聲實既見而歎曰此  
吾師所謂見鞭影而逝者王公大人多與之游居士雍  
容上下使人不可親疎而未見其有求也既七十歲舉  
累世不葬通別籍之喪二十餘身辦其事曰是責在我  
不當以累子孫異時人疑居士道挾趣足自容及其與  
子孫分職皆有序益知其自得者未可以衡尺論也

居士諱敏字仲訥享年七十有五子和孫邁皆守其方  
試國子四門助教世每傳而尤妙於其術古者貴三世  
豎於懷氏益信斯言和於喪葬皆應禮狀居士平生來  
請表於墓是為表

陳君碣

陳穀潤之世籍龍游少長魁壘乘不繫舟飯饑衣寒不  
恤有無圍棊舉酒品藻圖書賓至如歸士夫師儒晚發  
家笈玉板靈樞潛心岐雷越人淳于雲飛必育淵深必

鈎聚蓄藥草以待疾痛蒸暑作厲死相枕藉行人掩鼻  
君入其舍藥之粥之為歸為救起僵息躍訖不受謝夜  
半叩門不擇貧富壽五十九沒於牖下夫人文氏不吝  
不奢祭祀賓客內助靜嘉教誨三子皆世其家奉持佛  
律耆耄不違遺命慈祥笑語蟬蛻鄉曰以孝里曰和義  
從宅於祖嘉木翳翳碣其德音以詔來世

黃庭僉墓誌銘

庭僉莆田黃氏幼少強學游居寢食以書自隨著書二

百卷刺六經失傳正史氏不當名論世合變其說汪洋

使學者斟酌厭飫自趨其歸一時士大夫多傳其書故

庭僉未入臺省名動京師四方劉仲原父在揚州得庭

僉所著書以為似兩漢儒者已而試開封府進士居第

一同時學士大夫絕不敢與比肩而進庭僉四黜於禮

部翰林學士鄭獬御史中丞滕甫知貢舉王珪進士許

安世等若干人交章論薦迺得召試舍人院除撫州司

戶參軍國子監直講以憂去服除權太常寺主簿兼禮

院檢詳文字禮祠客膳四部主簿樞密直學士陳襄薦  
之於朝曰君命雖蒙收用未當其能除真州軍事推官  
知潤州金壇縣事崇文院校書改館閣校勘元豐己未  
五月壬申以病卒官享年五十有五庭僉事親持喪與  
兄堯俞居貧賤鄉州師用其禮而歸仁焉對諸生講勸  
未嘗視日蚤莫為勸容為省寺主簿不循俗媮歲月督  
程儉姦皆以律令聽之諸公知庭僉不類小儒面牆吏  
道方嚮用之而庭僉死矣曾大父仁濟大父中孚父問

通五經里居諸生從受業尚書右丞皇甫泌誄之曰義  
成逸士庭僉娶林氏四男子皆在童稚四女子嫁某官  
方澤某官方安道某官陸如岡其季居室林夫人以某  
年月某甲子遂塋於義成之域命族子殿中侍御史降  
乞銘於豫章黃庭堅庭堅詢事考言作為銘詩其詩曰  
義成之丘其栢其松豈曰不伐行人致恭新寔在位昭  
穆異宮維義成力穡而無年維金壇逢年而不豐貌是  
諸孤載爾耒耜時播時穫對前人功

胡府君墓誌銘

府君諱某字某少孤事母甚力以故貲百金兄子負公  
錢逮捕君傾產為償致無以自衣食而不悔出入鄉黨  
勸善救過赴人之急難人皆悅之聚經史教兒讀書鬻  
所乘馬延士人與之游一縣笑之曰開田以望歲近市  
而求贏吾猶時則不獲奚事讀書君不為變已而其子  
蒙學行有聞登進士第於是里巷以榮而鄉先生大人  
以歎其智度遠也蒙為吉州安福尉某之某官信之永

豐令君教以吏道皆可傳元豐二年正月某甲子考終  
於永豐官舍春秋七十有一卜以某年月某甲子葬於  
清江縣修德鄉之原夫人顏氏三男子長允明蚤卒次  
則蒙次啓三女子仲蚤卒其二女子嫁某官羅審禮進  
士劉渙曾祖某祖某父某居清江舊矣其上世皆力田  
故不知其所從來蒙以羅審禮之狀來乞銘序府君世  
系行事如此蒙庭堅之友也好學而文仕能其官足以  
觀府君之善教敢不銘銘曰



有孫有子其承昇子如土於苗藝麻不忝永豐繩繩以  
親譽處維若人之緒既兆元龜宅是吉卜藏以我銘考  
信終古有宋君子

李正夫墓銘

嗚呼正夫當時而不趨後時而不覲人皆疾驅我車徐  
徐不曲而腴寧直而癯以貴穉予噓而辟除不回之勇  
辟易萬夫白首於塗懷璧不沽士不信道寵辱百戰以  
道觀逢乃其夜旦丹陽之丘既命著蔡嗚呼正夫安宅

無悔

賀州太守歐陽君墓誌銘

君諱問字勉之歐陽氏世傳其先渤海歐陽堅石死趙  
王倫事其族人避地長沙故江湖諸歐陽皆祖堅石君  
為江陵人自大父始大父諱企死醴陵令父諱準不仕  
君以孤童力學舉進士數不偶以恩賜三禮出身仕果  
州安州司法參軍瀘川令改衛尉寺丞知南海縣事當  
官行其所聞不以小吏自屈奏書論南平雖朝貢法不

應弛邊關其後卒如君言舉監水通錢鑑歲課辦甚遷  
太子中舍知賀州行及陽山而卒年五十有三夫人趙  
氏於是亦卒一男五女男曰獻舉進士不墜其家女嫁  
河源尉梁暎某郡李漁材某郡秦端友其二女早卒君  
卒以熙寧十年十月某甲子獻以元祐元年八月某甲  
子乃克葬君於當陽之靈山因子所識荊州教授李雲  
從來乞銘故予銘銘曰

持詩書賈不得羸以仕易農著廉能迄可治大中隕傾

固安其丘坎有銘吏而勤民尚後興

王長者墓誌銘

長者海昏王氏諱深字永裕祖倫父智世力田喪祭常  
望鄉邨長者天資善治生操奇贏長雄其鄉遂以富饒  
築館聚書居游士化子弟皆為儒生則以其業分任諸  
子獨徜徉於方外道人雲居了元東林常總皆攝杖屨  
往游其藩元祐丙寅正月辛卯終焉享年六十有二前  
此三年自築邱於青山之西原松檜成列矣去十月過

存里中親好相勞苦勸戒若將遠別爰及辛卯中外之  
弔哭者曰君蓋聞道者邪先配陳氏繼室兩謝氏七男  
子楸崇信森棣權彬植崇信前死三女子二壻曰董穀  
高友諒其季未媒也楸等遂以其十月某甲子奉窆窆  
如初志楸娶李氏女於庭堅母夫人為族兄弟故楸因  
乞銘太夫人曰汝以外家故不可辭遂銘之銘曰  
以義力其窮以智謝其豐以理考其終以文款其封

黃氏二室墓誌銘

豫章黃庭堅之初室曰蘭溪縣君孫氏故龍圖閣直學士高郵孫公覺莘老之女年十八歸黃氏能執婦道其居室相保惠教誨有遷善改過之美家人短長不入庭堅之耳方是時庭堅為葉縣尉貧甚蘭溪安之未嘗求索於外家不幸年二十而卒殯於葉縣者二十二年繼室曰介休縣君謝氏故朝散大夫南陽謝公景初師厚之女年二十歸黃氏閑於禮義事先夫人愛敬不倦侍疾嘗藥不解衣至於復常脩禪學定而不廢女工能為

詩而叔妹不知也言有宮庭行有坊表不皦不汙長少咸安懷之年二十六而卒生一女曰睦才四歲過時而先夫人哭之哀殯於大名者十一年元祐六年先夫人捐館乃克歸二夫人之骨於雙井八年二月從先夫人葬焉同宮而異槨初庭堅年十七從舅氏李公擇學於淮南始識孫公得聞言行之要啟迪勸獎使知嚮道之方者孫公為多孫公憐其少立故以蘭溪歸之及庭堅失蘭溪數年謝公方為介休擇對見庭堅之詩曰吾得



壻如是足矣庭堅因往求之然庭堅之詩卒從謝公得  
句法嗚呼如蘭溪之女美介休之婦德皆室家之則也  
常欲以楚詞哭之而哀不能成文二夫人平生常恨無  
男二夫人沒後庭堅始得男曰相他日當使相乞文於  
予友而刻之隧以哀其志

董夫人墓誌銘

夫人董氏開封人少入梁氏事尚書水部郎中諱如圭  
實生北京留守推官河北轉運司勾當公事鐸通直郎



都水監丞鑄宗室右武衛大將軍彭州刺史克艱之妻  
鐸生八歲水部君捐館舍夫人奉嫡夫人永和縣君王  
氏字其遺孤襁負抱攜至於男女有家室二子成人  
事永和如已自出永和為夫人有數其後持永和之喪及  
其襄事春秋皆如禮意慈祥而不欺喜言人之善而好  
施享年七十有二及見孫男女十有五人婚宦者半鑄  
之妻同安郡主濮安懿王女也執婦事在寢門其存也  
榮其歿也哀將葬鐸等以狀來告曰先夫人終以元豐

八年六月辛巳卜以七月辛酉奉時窀穸其兆在祥符縣北常之原願得銘以垂世傳後攷於二子之交游以夫人誠可銘遂為銘曰

梁氏之棣其鄂韡韡雖其才良母氏勤止樛木葛藟肅雖于宮有蕢其實茂對本宗淑善壽考燕譽終始銘石下泉以慰孫子

王氏墓誌銘

王氏女柔字伯惠年若干嫁為京兆府櫟陽尉朱春卿

之妻生一女而病卒於外家春卿歸其柩葬於岳州巴陵之原祔于其姑柔父稚川余友也為余言柔敏慧孝慈學文知義理觀西方書若有所超殆將蟬蛻塵垢玉雪其躬不幸短生哭之哀甚敢乞銘以紓痛則為作銘銘曰

凡命於天甚美難守陶人為鈞賦物常巧火齊孔時坯甗十九器成而舉之隕越于後若人之不淑無所歸咎

單卿夫人張氏墓誌銘

夫人張氏出瀛州河間徙京兆萬年考諱曜當世洵洵  
與其族卧終南山不出名聲籍籍關中晚出仕為太常  
博士夫人家居事繼母有聞博士為擇對以嫁平原單  
公歸而事嚴姑如事繼母力貧為家不以累其夫故單  
公得讀書登進士第仕而顯於朝以禮終始長姒沒夫  
人襁負其兩兒母之人不謂非已出也夫人屢失子免  
乳得男而姑病夙夜藥糜不慈其子君子以為難攻苦  
忍窮垂二十年至於泰而能用其有收卹中外光祿捐

館舍則以廨內付子婦而老於堂齋几薰鑪宴坐終日  
晚迺游道人宗本法秀之間知生死之說壽八十四力  
疾殯沐待期而終顧視家人無戀嫪意光祿與今上同  
名當以字行曰孟陽夫人歷封安定壽安二縣仁壽郡  
三男子燁鎔皆通直郎颯宣德郎兩女子歸某郡王至  
言曲陽尉席延卿夫人終以元豐乙丑七月辛丑葬以  
其十月某甲子其兆在齊州長青縣天華南管先光祿  
之吉卜也燁等以陳留李之儀狀來乞銘之儀道夫人

之義甚高且曰詩人所謂女士者將在於此不可以不  
銘銘曰

夫人居室繼親受福濫觴成江單宗燕睦承尊孝恭撫  
下仁哀使非已子於予母懷林回棄壁負子逆旅愛日  
事姑寧絕兒乳朝聞夕死士不及牆玉珥珠襦乃或升  
堂道無情狀言得則謗委命蟬蛻以觀無妄女德能一  
國風所嘉能人難能夫人則多光祿有宮歸奉涪櫛作  
為訓詩告後勿伐

趙夫人墓誌銘

進士李慥快恬之母夫人趙氏其父曰紳其夫曰通儒  
李皆安陸人夫人幼少敏慧讀書誦詩通其義說年十  
八歸李君夙夜舅姑之所恭順而明微祀事能勞燕居  
不黷婚媾恩施孔惠孔時族人師用之有女俗持里人  
笄鬕中物珠璣價十萬急貸於夫人請半價曰是可乾  
沒夫人曰乘人之緩急而利之則害仁尊章在堂而私  
市則病義智及此又能守之為婦十有三歲三男一女

而卒卒時長男始十二歲其顧託之言可傳後十有九年自恬以上皆知學而女子為士人韓操妻於是夫人可無憾元祐改元之二月某甲子慥等乃克奉襄事於其縣青木之原王舅之域走數千里來乞銘哀其意予銘銘曰

於戲夫人婦德孔有胡不黃耆中棄穉乳考德銘詩以勸歸女亦勸三息欽念母言茂爾德聲慰此下泉

章夫人墓誌銘



夫人章氏某縣君處士慶之女為分寧著姓能以豪右  
致學士大夫年二十四歸我伯父祖善祖善黃氏以文  
學知者皇祐某年進士仕奇不逢以大理寺丞致仕今  
以奉議郎家居夫人為婦為妻舅姑曰齋祀春秋能不  
勤我夫曰凡吾得盡心宮學者維室家之宜為母為姑  
子順教詔日就月將婦承功緒休其蠶織其為人勤敏  
樂易幼少智慮如大人白首而血氣不惰啓手足之日  
有善言享年六十有七終以元豐壬戌九月某甲子葬

以乙丑某月某甲子其山曰馬鞍三男子曰某曰某曰  
某三女子嫁黃州判官吳卞武昌李康年淮南節度推  
官林鎬夫人於庭堅小功母也太夫人曰吾少歸汝家  
姒遇我有禮汝為好作銘庭堅則再拜而銘銘曰

紫陽之山硤硤其谷水清且脩卜宅其上游宜爾孫子  
祠春秋登彼墟矣訃且樂不泐不隙藝爾松柏無俾薪  
牧千秋萬歲永安宅

鄧氏墓誌銘

夫人酈氏亳州衛真人夫人幼敏慧父仲隱奇之欲以  
歸士大夫而地寒未能自致也故西京作坊使贈金紫  
光祿大夫宋君始喪其室李夫人聞夫人之風以幣迎  
之入宋氏族嬖皆稱其懿行享祠能嚴餽問孔時不吝  
於寒宗不忌於羣妾生子遠與适而宋君捐館舍遠七  
歲矣适纔四歲持宋君門戶喪祭如禮鬻笄髮間物延  
致師友成就其子訖於榮養有邑有壽昌於其先敬能  
悅安之居已下者能慈哀之不愠不求眉壽而康終於

邠州适之官舍享年七十有三宋君諱仲李夫人晉陵  
縣太君遠為壽州觀察推官而卒适今為承議郎通判  
衛州將以元祐五年正月某甲子葬於其城之麓臺狀  
夫人節行來乞銘銘曰

昔在漢京高陽酈生輟漢王洗以舌下城惟死事孤  
侯高梁曲周相漢侯則以功寄雖賣友為王吉凶夫以  
文鳴鴻困燕爵道元述川綜百氏學酈宗寥寥中缺不  
嗣夫人之興實維女士其宗無人或在外甥出令子若孫

尚似諸鄺

陳夫人墓誌銘

故福州長溪主簿吳君夫人陳氏其父左侍禁知高州  
諱祕開封人初高州子男女且十人皆蚤世晚得夫人  
幼童慧寤成長淑慎故高州奇此女閱壻久之迺以歸  
長溪長溪磊落人三佐縣不可意棄官歸蓺花遇人情  
不可堪忍崢嶸於胸次而上於眉宇之間睥睨畦圃釋  
然忘懷以是心通意得於草木之性間雨露而封殖之

能與物為四時而吳氏花名江南蓋婆娑林丘十餘年而後終雖長溪自得之而夫人燕安田里實有助焉夫人歸吳氏不及皇姑事長姒如姑禮外姻來者初不知其娣姒也自奉養菲薄施畀族黨甚周諸兒皆夫人勸督宦學也尤喜誦浮屠書平生自力以數萬過子姪念其春秋高勤誦索氣共諫止之夫人曰人心所安樂國禁不能沮也其所不願國賞不能勸也吾誦書猶乃翁蒔花也疾革顧兩侍兒掖坐命二子曰吾處常得終汝

曹可無憾遂瞑實元豐四年九月十二日享年六十一  
維夫人少則能婦長則能母陳義甚高疾亟而不亂斯  
其可銘長溪諱長裕崇仁人而葬番之東岡夫人祔焉  
五男二女其四早卒久中歛令美中進士薦某州女嫁  
承務郎郭禮立銘銘曰  
在番之陽孔樂東岡維息克孝以夫人藏其松其栢其  
杉其栝築丘岑岑尚勿翦伐深谷既陵土不閔瘞刻詩  
不磨永乎來世

叔母章夫人墓誌銘

叔母章氏洪州分寧縣人處士諱積之女夫人幼喜誦書弄筆墨父母禁之與諸女相從夜績待其寢息乃自程課由是知書事父母居其喪以純孝聞年若干歸叔父叔父某性豪甘酒好賓客客至咄嗟責辦夫人怡然從令未嘗不肅給也叔父平日大率常醉或使酒嫚侮夫人承之未嘗不以禮也夫人嘗問叔父之不甚醉時諫曰君終日如是使諸子皆法象何以為家叔父曰吾



兄弟之子多賢克家者自當不法我而法彼也夫人歸

不及舅姑事叔父之所生母李氏如姑禮盡愛盡敬李

氏年八十六乃終其遺言曰吾百無憾不忍捨孝婦去

耳分寧之俗所生母皆服役於其子婦聞夫人之風乃

欣慕焉夫人年三十有四而叔父捐館舍二男二女皆

幼毀瘠殆不勝喪既而幡然改曰我死則負託孤之心

乃致力窀穸之事為二子築屋治生識者以為有男子

之智烈婦之節慈哀使令知其勞逸家人熙熙教子不

威而使其子退而思其言戊寅之歲四月辛卯召其子  
回曰吾往時嘗因吾弟楚材聞龍山祖心禪師死生之  
說吾今日百骸欲潰而不得脫其病安在汝取圓覺經  
來誦之回誦至地水火風四大各離今者妄身當在何  
處夫人曰止召婦女告以後事即命掩室而化享年六  
十有二長子某蚤死次則回女嫁進士南宮元龜王大  
成回好學知探其本原事親居喪盡敬盡哀將以某年  
月日葬夫人於脩水之上游地曰迷仙而數千里來請

銘於戎州某泣曰安康郡君無恙時嘗言章夫人於我有恩有禮汝等不可忘其敢不銘銘曰

夫人來宅令儀令色不忌不克奉姑如嫡於夫於息致曲而直賢而多能自晦而明身養子嬰守節如城靜為五兵終莫之陵孝子兢兢既卜佳城伐山勒銘遠其德聲其松其檉斯其棘荆脩竹繚瑩以配其清

永安縣君金氏墓誌銘

夫人永安縣君金氏家番陽故廣東轉運使尚書度支

郎中諱君卿之第二女供備庫副使夔州兵馬都監梁君在和之妻夫人事繼母以孝聞事其姑如事其母居家富貴歸梁君而安其貧篤信釋氏誦其書奉其戒律年四十則掃除一室謝梁君而齊居社多比丘尼以為難能也平居笑語雍容雖其所不懌未嘗見聲氣對梁君如賓客處姬妾如娣姒撫諸子如已出喜讀書善筆札諸子皆授經於夫人未嘗從師其子千之有學行士大夫稱焉歲在乙亥月仲冬日某甲子沒於夔州官室

兒女姬妾剗肉為祭煉臂然頂刺血書佛經者數人其  
慈愛出於忠信可知也六男子長定之三班借職次千  
之升之亞之精之百之四女皆在室千之以汝南程旨  
味道狀夫人內行來乞銘味道立義不侵少許可非其  
實不傳故叙而銘之銘曰

猗歟夫人在家怡怡來歸祁祁女宗婦師內外具宜賓  
禮夫子慈愛妾媵退考於室淵默清靜鴈鳩在桑在梅  
在榛怒之喜之乳哺補紉宴居不惰文史翰墨諸子執

經其音秩秩衰門之女夫人有之興門之男千之似之  
永安錫封以夫介寵千之方興尚貴其壟

辛夫人墓誌銘

夫人姓辛氏諱媛并州軍事推官諱顯仁之女尚書駕  
部員外郎諱有則之孫贈戶部尚書諱若冲之曾孫其  
先隴西狄道人後世稍徙於潁川河汾無顯者維狄道  
之辛與潁川之辛班班見於史官潁川之辛又多聞人  
夫人蓋從潁川之居陽翟者也有諱仲甫者以參知政

事事熙陵有聲以太子少保致仕贈太師尚書令兼中  
書令封晉國公是為夫人之高祖也夫人年若干歸為  
蘇熹道宗之妻若干歲以卒無男子生二女孟蚤卒其  
仲尚幼卒時道宗為汝州襄城縣主簿某年某月某甲  
子也以某年某月某甲子葬於潤州丹陽主簿之原祔  
曾王姑之兆將葬道宗告其常所與游豫章黃庭堅曰  
吾妻不幸蚤世然其行云云有足銘者子為我銘其墓  
遂用其言為銘銘曰

嗚呼夫人淑慎柔嘉宜婦宜妻歸寧外家始從夫人仕  
在襄野視去舅姑如去父母寡笑寡言靜好讀書思齊  
古人勇於事夫屏夫浮夸中饋是敕脫笄解髻以羞賓  
客婉婉襁褓呱呱女嬰中塗失母啼不成聲不足者年  
尚多者德我為銘詩以慰幽室

狄元規夫人墓誌銘

壯士在險或以辱身夫人秉義不緇不磷人哀其嫠予  
哀二女之孰母人恤其緯予惟斯文其不窶養孤能勤



抱書泣旻牲不拵豆以祠秋春女歸有孫負携乃來寧  
襄陽文章如漢西京夫子之耜子終其畝立狄氏牖戶  
莫予敢侮刻銘其丘作憲諸女

任夫人墓誌銘

吾友廖明略自安陸寓書京師乞余銘其妻任夫人之  
墓其狀曰任氏歸正一七年三生子男曰青箱青規女  
曰念二不幸年二十五而卒性敏慧頗通書柔婉孝仁  
在貧而樂先夫人愛之如已子不幸先夫人即世任不

勝哀閱九旬亦死將以元祐元年十二月癸丑從葬舅  
姑之墓次願得銘以塞悲庭堅曰如是可不銘梓州郪  
縣有任軫者及其弟更有聲治平進士間遂同年登第  
軫父伯傳任尚書都官郎中有人物冰鑑見明略為童  
子時曰此人後必以文章顯故以軫之女嫁明略云其  
銘曰

委佩兮結褵來有家兮咸宜承尊章兮相夫子豐約有  
時兮百歲同死忽兮與朝露同晞弃所愛兮無不之刻

詩玄宮兮匪其對食之私逮其成人兮告箱與規

湖州烏程縣主簿胥君夫人謝氏墓誌銘

夫人陳郡陽夏謝氏其世序甚遠代常有人太子賓客  
贈禮部尚書諱濤者曾大父也兵部員外郎知制誥贈  
司空諱絳者大父也嘗任司封郎中提點成都府路刑  
獄公事或以疑似中之坐失官家居者數年已而有太  
臣寬其獄天子直之今為屯田郎中通判襄州名景初  
者父也夫人方室處靖深婉嫺言動皆顧繩墨父母曰

吾女材必擇所宜歸則以嫁胥君茂謚茂謚敦厚敏達  
學問自將調湖州烏程縣主簿以卒夫人之歸胥氏年  
二十祖姑翰林瑯琊公之配建康太夫人在堂於夫人  
為外祖母然夫人終不以外氏故不盡節於夫家禮意  
篤密而恩施周內外族嫺莫不謂宜其歸未幾舅都官  
君捐館舍烏程又早世生三子輒失之建康君亦終於  
堂夫人獨奉其姑成安韓夫人以立胥氏門戶憂患窮  
困人視之若將不終日夫人縱觀方外之書求死生之

說時時呻吟應答不類閨門中語或傳於親黨間理致甚高益知夫人之根慧而韻勝也熙寧乙卯四月輿疾歸父母家而卒以九月癸酉享年三十有一客其柩於穰成安君及烏程之弟茂世卜以元豐庚申五月甲子奉建康之窀穸於是歸夫人之柩於陽翟祔烏程之封使以其狀來乞銘庭堅於夫人妹壻也實叙而銘之銘曰

敏膚順慈父母受祉齋栗雍穆舅姑咸喜譽達州黨燕

及君子宜處宜歸在嫠不疚不畀之壽則莫承其後無  
所歸咎膺膺韓城葬從其夫作銘下宮示後不誣

王氏墓誌銘

夫人豫章王氏宣德郎知宣州南陵縣事楊淑之母也  
南陵為吏有能聲泣事敬畏處僚友不爭以為夫人之  
教也元祐七年夫人壽七十有九以四月壬辰考終於  
南陵之官舍於是南陵以其十二月庚午葬夫人於清  
江之原楊氏之兆從君與夫人如生禮使來告曰淑斬

然在哀經之中不得躬受命幸嘗為僚屬知且愛敢乞  
銘以圖不朽則叙而銘之夫人少入楊氏事君主君曰  
太中大夫諱申主母曰南康郡君時氏大夫公初以著  
作佐郎監閬州稅法不聽以其孥之官故南康命夫人  
侍焉烝嘗吉蠲賓豆肅給大夫公安焉生一男一女男  
則淑也女嫁進士陳發夫人蓋晚而主南陵家事服用  
平素不有私橐而責淑以清慎奉佛潔齊不聽間言而  
迪婦以孝和含飴而弄曾孫忘其耄老於戲是可銘也

銘曰

江漢廣矣有渚有沱別而不殊乃同一波從君于蜀攝  
將相事歸而就列不沮不忌甚順而穀乃膺多福黃髮  
曲局燕其子之祿其子其婦其孫其曾敬承寵封無有  
悔懲

山谷外集卷八